

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0061351 25
Zenica, 05.11.2025. godine

OPĆINSKOM SUDU U ZENICI
- Sudiji za prethodno saslušanje -
ZENICA

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ž N I C U

Protiv:

J. M. , osuđivan više puta,

što je:

u vremenskom periodu od mjeseca septembra 2024. godine do 09.10.2024. godine, u Z., s ciljem da sebi pribavi protupravnu imovinsku korist, doveo u zabludu A. M. iz Z. tako što je Merisa putem interneta, tačnije aplikacije „Instagram“ vidjela oglas koji se odnosi na online fudbalske utakmice i mogućnost ostvarenja dobitka od 40.000,00 eura, a navedene online mečeve su se odnosili na kladenje u vezi pogađanja sportskih fudbalskih rezultata, pa kada je kliknula na taj oglas otvorila joj se „Instagram“ stranica, tačnije profil osobe M. O. koji se tako lažno predstavljao i koji je M. odmah uputio poruku da mu se javi na aplikaciju „Whats up“ na broj što je ista i učinila, koji je cijelo vrijeme tako lažno se predstavljajući kao osoba M. O., M. uvjeravao da je oglas istinit, da je besplatno učešće u igri i da je potrebno da mu M. napiše svoje lične podatke kako bi mogao otvoriti račun na internet stranici gdje se igraju online mečevi, što je ista i vjerujući, to učinila i napisala svoje lične podatke, pa nakon što je završen online meč, ista je navodno pogodila rezultat i trebala dobiti nagradu od 40.000,00 eura kako je to pisalo u oglasu, a zatim se povodom toga javila na gore navedeni broj putem aplikacije „Whats up“, i istog upoznala da je pogodila rezultat te da želi taj obećani dobitak, na što joj je potvrdio dobitak slanjem videa, iako je znao da to nije tačno i da se radi o lažnom oglasu, da bi potom M. poslao poruku na „Whats up“ da je zbog procedure potrebno platiti proviziju u iznosu od 450,00 eura kako bi joj se mogao isplatiti pomenuti dobitak, što je vjerujući, da je zaista i ostvarila navedeni dobitak od 40.000,00 eura, u BH pošti, u Z., uplatila novac na ime J. M., nastanjen na adresi G., da bi nakon toga ponovo dobila poruku da je potrebno da uplati još 450,00 eura kako bi transakcija prošla za isplatu u BiH, jer je navodno problem zbog toga što je prethodnih dana bila u Hrvatskoj, pa je ista ponovo uplatila 450,00 eura kako bi joj transakcija u iznosu od 40.000,00 eura prošla, a kako i dalje joj nije prebačen navodni dobitak od 40.000,00 eura traženo joj da uplati još 450,00 eura zbog prenosa podataka, što je ista u sve to vjerujući i učinila, koji novac je dana 07.-08.10.2024. godine preuzeo putem pošte Srpske uz svoje lično potpisivanje elektronskih uputnica- potvrda o prijemu broj:, pa kako i narednog dana, odnosno 09.10.2024. godine joj nije isplaćen dobitak, da bi zatim M. javio putem „Whats up“ da je sve lažno, da je lažni O., da je lažni M. i da je kupljena lažna lična karta, nakon čega je M. na „Whats up“-u i blokirao , pa je na ovako prevaran način pribavio protivpravnu imovinsku korist u iznosu od 2.640,00 KM, a što je i htio, oštetivši na taj način A. M. za navedeni iznos,

dakle, s ciljem da sebi pribavi protupravnu imovinsku korist lažnim prikazivanjem činjenica doveo drugog u zabludu i time ga naveo da na štetu svoje imovine nešto učini,

čime bi počinio krivično djelo Prijevar iz člana 294. stav 1. KZ F BiH.